

源志



桃花源志卷二十一目錄

藝文 古今體詩

秦人洞 武陵洞 桃源洞 漁仙洞

國朝

劉昌臣 一首

寧成誥 一首

羅人琮 一首

何鳴鳳 一首

車萬育 一首

胡紹安 一首

陳士本 二首

馮廷樞 一首

唐子木 一首

佟鳳彩 一首

桃花源志

卷二十一

目錄

龍之池 一首

李時春 一首

丁佩玉 一首

陳振齊 一首

唐時淵 一首

沈遠 一首

羅天緯 一首

王為垣 一首

王彭澤 一首

何如蘭 一首

俞益謨 一首

陶士傑 一首

費錫璋 一首


趙大鯨 一首

鄒仲孺 一首

費應泰 一首

謝如式 一首

喬光烈 一首



退補齋藏板

孫良貴

一首

曹文植

二首

張九鉞

一首

姚頤

三首

董思恭

一首

劉詔陞

一首

龔大萬

一首

鄧枝麟

二首

王敬禧

二首

夏元成

一首

范鶴年

二首

王步雲

一首

顧鑑

一首

顧開雍

一首

高邁祖

一首

林塤

二首

朱定元

一首

郭中望

一首

桃花源志

卷二十一

目錄

二

胡士註

一首

方捷昌

一首

翦嵩春

一首

汪坤

一首

何璉

一首

李廷選

一首

姚學瑛

一首

吳嵩梁

一首

楊先鐸

二首

朱和璧

一首

陳廷鴻

一首

陳浩

二首

夏逢夔

二首

孫桐生

五首

馮學醇

一首

張炳

一首

艾濂

一首

朱怡鈺

一首

退補齋藏板

陳盤禮 一首

何光業 一首

沈允桂 二首

尹普 一首

楊文治 一首

路華 一首

黃安濤 一首

黃鏞 一首

于學勤 一首

吳登選 二首

葉自淵 一首

奈世清 一首

祁鶴藻 一首

蕭壽昇 四首

唐開源 一首

莫友芝 一首

王啟寅 一首

陳樂光 一首

桃花源志 卷三十一

目錄

何紹基 一首

葉名禮 二首

王柏心 一首

白恩佑 六首

陸仁愷 二首

傅壽彤 一首

呂朝瑞 二首

呂翰芬 二首

退補齋藏板

桃花源志卷二十一

永康胡鳳丹月樵編纂

藝文

古今體詩

國朝劉昌臣

見卷十九

桃源洞

莫將避世等青童  
流水依然世不同  
今日桃花開笑口

桑麻雞犬盡王風

沅湘耆舊集

國朝甯

誥

字德府推官後以缺裁改補新化縣知縣

按

安徽通志載補上梅知縣

桃花源志

卷二十一

藝文

一

退補齋藏板

秦人洞

何處仙源有路通  
石門深鎖白雲中  
心清沁水猶堪隱

地僻商山豈易窮  
洞口花留秦代月  
溪頭人醉楚天風

莫云避世難忘世  
煙外晴空起曉鴻

桃花源志畧

國朝羅人琮

見卷十

偕友遊秦人洞  
值雨宿洞前村  
舍沽酒至醉

煙雨空濛迷洞口  
村舍山光搖戶牖  
桑麻雞犬何地無

是中岑寂惟宜酒  
坐聽山鳥嘯流泉  
鳥聲格格泉涓涓

秦人不放桃花去  
東風一夜飛榆泉  
明朝人事便陳迹

醉過春華穀雨天沅湘者舊集

何鳴鳳字朝官長沙府同知

### 桃花洞

武陵古洞暮煙斜避世偏宜近水涯石障已迷前過路

桃溪應滿後栽花擬逃塵網親漁棹可許仙源度歲華

遮莫山僮勤掃拂落紅休使到人家桃花源志畧

車萬育字與三號鶴田邵陽人康熙甲辰進士改庶吉士散館授兵科給事中轉兵科掌印著有歷代君臣交警錄一百卷集唐詩十六卷

### 春暮李郡伯招諸公游桃花源

桃花源志 卷二十一 藝文 二 退補齋藏板

晴郊初試馬亦似爲春忙不及桃花發猶餘洞口香苔

含昨夜雨鶯囀隔林簧到處吟應遍詩逋未易償桃花源志

畧

胡紹安字亥貢生官桃源縣訓導

### 秦人洞

莫向秦人問有無桑麻雞犬即蓬壺看花馬上重回首

可及花前酒一沾桃花源志畧

陳士本見卷十

### 奉調上元訪桃花源

髫年事槩鉛曾讀桃源記漁翁溯流泉驀入五雲闕  
桃花夾岸紅藤蘿拂巖翠洞犬吠仙聲桑麻迴無異中有  
龐眉翁云由醕秦避歷年五百餘猶說當時事歸來日  
甫斜再往只長喟谿水依然潺湲煙雨隔林邃洵哉成美  
談遂高千古意念余上辰沅鼎州發輕騎憑軾覓仙蹤  
僕夫指雲委捨騎入深林林清滌人膩浩歌一曲終谷  
聲若相次漁翁今已無洞門扃千季安得避秦人一問  
仙家祕

桃花源志畧

### 探桃洞偶成

桃花源志

卷三十一

藝文

三

退補齋藏板

偶來探得翠微濃白石青松翳萬重山鳥似猶啼往事  
漁翁無復見前蹤雲霞片片飛空谷薜荔層層護遠峯  
爲訪洞門何處是幽巖惟有碧苔封

同上

國朝

馮廷樾

字大木德州人康熙壬戌進士官中書舍人丁卯典試湖廣作詩一卷名曰晴川集又有

京集雪林集曹村集

### 桃花洞

拄杖出西郊言尋桃花洞霜清水初沈雨歇雲不動黃  
葉四山飛寒禽發幽哢乍見水際村板扉接竹棟攔蘿  
緣迴谿頓覺巾履重靈仙不可企吾將翳鸞鳳

晴川集

蜀唐子木字近仁號助仙里居官爵未詳

### 桃源洞竹枝詞

武陵深處絕囂塵世上渾忘有避秦  
白馬渡頭朝鼓棹綠蘿山下夕迷津

引人人勝落霞紅流水潺潺一徑通  
白叟黃童爭款客不知誰是主人翁

澗戶巖扉結比隣巍然古貌見天真  
不堪頻向外人道開遍桃花始識春

日日溪頭博醉眠得魚沽酒不論錢  
桑麻雞犬尋常有

桃花源志

卷二十一

藝文

四

退補齋藏板

難得相逢洞裏天

曾說秦人長子孫桃源今作路旁村  
憑誰再飽胡麻飯共啜田家老瓦盆

遇仙橋上白雲封遇仙橋下水溶溶  
方竹亭前萬竿竹夜來時聽隔林鐘

莫辨仙源事有無境幽平地亦蓬壺  
只憑元亮一篇記留與他年作畫圖

國朝佟鳳彩

字高岡襄平人官爵未詳

桃花源



天台別有路桃洞尙存源漁子忘情後游人空自言

桃花

源志

龍之池

字里官爵未詳

乙丑夏同石首熊子蔚庵游秦人洞

并序

縣西五里南岸望萊蘿插峯倒影寫照莫似及挽舟  
寸歷指數睛巒挺峭錯落都如望裏載白馬雪濤處  
往復舟掠水南略聞濤聲後壁卻有封石不禁盧胡  
然鬼斧之奇形色百會踟躕半躡覓路桃花溪攀藤  
觸石幾幾興盡而返鼓棹幸從大灣汊中冒雨扶筇  
桃花源志

卷二十一

藝文

五

退補齋藏板

曲折三四里入洞中水流花發直問秦人下上之頃  
意留有餘以俟再遊相與長揖而退

耳食羨秦人鄉導應相伍已經武山麓盤互指門戶魚  
梁激奔湍十丈壓篙櫓歸氣所必爭夜泊不受侮雲霞  
水石英結互成靈宇得以氣象占敦樸衍皇古地脈共  
長年百歲未朽腐疑或逢子孫相因述遠祖倘欲窮津  
源在在行遺補萊蘿十數峯蟠虬與蹲虎參差峭伏間  
猜似莫自主千百小石巒逐江亂吞吐巖花散斑駁龕  
壁敞堂庶何年寄神功隨處經鬼斧全體窺洞奧茲得

其一股寬路桃落溪村煙約炊午微生几席雲蒸溼暗  
山雨苔徑石梯迂私意假毛羽旁壑可迎舟卽宜通祕  
府惜此水盈盈往蹟略漁父畢究崎嶇行林泉深跋扈  
性與禽鳥洽孤慮猿猱侮方亭撫殘局伊人越元圃橋  
眞掩蛇足池沫爽龍煦千古無負心豐碑摹石鼓大士  
接引功時渡白鸚鵡看來俱贅瘤思議別有取五日十  
日遊足歷目不覩

桃花源源志略

國朝

李時春

字

穀城人康熙朝歲貢官湖南石門縣訓導

桃花源

桃花源志

卷二十一

藝文

六

退補齋藏板

洞口桃千樹花間日日春紛紛名利客誰是問津人

桃花

源志畧

國朝

丁佩玉

字雪石昆陽州人康熙丙子舉人著有一槎寄草

桃花源題壁

桃花落盡野花香流水潺潺聲自長爲問洞門深鎖後

重來幾個是漁郎

雞犬桑麻洞裏人秦時衣服漢時春祖龍空自求蓬島

不道仙翁已避秦

滇南詩畧

國朝

陳振齋

字岱封趙州人舉人科分未詳官知縣收鹽場大使著有癡亭詩鈔

舟次桃源

艤舟桃源傍斜谷桃花不見見修竹雞犬何處暮煙寒  
剩有青蒼作畫軸飲酒且看山飲醉山滿腹既醉且酌  
泉酌泉月在掬昨日山雲送我行今宵江月伴我宿洞  
裏神仙不可期何如醉聽漁歌武陵曲

滇南詩畧

國朝唐時淵 字十泉邵陽人諸生康熙間與陳百是車涵夫諸老交有名於時

桃花洞

可是伏池古穴不茫茫元氣此中收天開堂奧函靈化  
人立虛空悟幻遊花片豈經秦日月雲根或識漢春秋

桃花源志

卷三十一

藝文

七

退補齋藏板

儘多深處聞雞犬寄語漁郎莫覓舟

沅湘耆舊集

國朝沈遠 字嘉興人官爵未詳

同故鄉諸友游秦人洞遇默識上人善琴畫次武

陵諸君原韻留贈

天涯結客好尋秋滄鼎丹臺足勝游洞口流泉香澗滿  
寺前雙樹夕陽收欲憑法語空諸相斜抱雲和鼓一邱

願得支公與談法不辭白馬渡江舟

桃花源志畧

國朝羅天緯 字桃源人官爵未詳

秦人洞

白雲深處石門扃瀑布飛聲出杳冥咫尺人天憑一割

尋源悵立萬山青

桃花源源志畧

朝王為垣 字東注龍陽人康熙甲午舉人與兄為壤齊名時稱二王著有浪山集感秋草六瀾堂集

### 桃花源

靈境不可極沿源意恂怗草木澹春暉杳然發孤想巖

扃露斷齟嵐氣侵額頰中若有人聲疑話桑麻長近之

聽亦無迴映窮俯仰一石水潺潺山鳥答清響

桃花源志畧

朝王彭澤 字五柳漢陽人康熙間諸生少孤嗜學壯年旅食南昌沈思苦吟自稱五柳道人著有尺

一堂詩鈔

桃花源志 卷二十一 藝文

八 退補齋藏板

### 秦人洞

戴雲衝雨上層層足裹青鞵手把藤路過危梁盤偏仄

峯垂斷棧亂峻嶒四時如臘常封雪三月成春未解冰

隱約避秦萌屋在數聲雞犬一龕燈 本集

朝何如蘭 字蕙菴桃源人官爵未詳

### 游秦人洞

秦人疑隱亦疑仙花放溪流不計年一徑桑麻塵外世

幾家雞犬洞中天偶思魏晉論心日便覺羲皇在眼前

絕好山川成妙境我來小憩證前緣 桃花源志畧

國朝 俞益謨 見卷十

### 游桃源洞

非訪秦人豈覓仙為尋幽勝向桃川殘詩半剝千年碣  
曲徑深迷二月煙游屐任經苔自古鳴絃不住水常涓  
平生結得仙靈契歸去何煩早著鞭 桃花源志畧

國朝 陶士契 字稽山甯鄉人雍正癸卯進士累官湖北漢陽府河南南陽府知府著有運甍軒集

夢偕一老僧牽舟入洞壑淡煙微月落蘂繽紛余  
疑是桃花源境界賦詩紀勝記一聯云犬吠隔溪  
火魚聽靜夜琴忘其首尾因續成短章

桃花源志 卷二十一 藝文 九 退補齋

窅然巖壑深煙月復沈沈犬吠隔溪火魚聽靜夜琴大  
千花裏界太古洞中陰幽意同禪悅維舟一浩吟 本集

國朝 費錫璋 見卷十五

### 游桃源洞

一洞依稀瑾不開兩三瀑布濺莓苔尋思祇被山靈笑  
又是淵明賺客來

游罷山僧合掌迎圖經指點記分明洞中果有秦人在  
為報而今正太平 湖州詩續錄

國朝 趙大鯨 字橫山號學齋仁和人金章子雍正甲辰進士歷官都察院左副都御史著有使滇歸觀

古藤書  
屋各集

### 游桃源洞

武陵山口桃花源千年想像靈境存漁人再尋已迷誤  
詩歌紀述徒空言我來問津喚好事振衣逕欲窮川原  
初行洞口少人跡瞥見裂石通天門一區雲樹敞平陸  
四面煙巒如繚垣良田杳杳收早稅人家寂寂成孤村  
更歷飛梁跨石澗勝地彌覺無崖垠新篁千竿嘯風碧  
甘蕉十丈垂露繁瑤草無名澗邊秀仙禽變聲林際喧  
瀑布飛湍吼空薄流泉乳竇鳴潺湲古碑剝蝕難細讀

### 桃花源志

#### 卷二十一

藝文

十

退補齋

仆立盡帶蒼苔痕吁嗟嬴氏亂天紀賢者避世鴻高騫  
偶從樵漁逃姓氏遂閱魏晉傳雲孫方今昇平致上理  
堯民耕鑿超羲軒域中山川盡樂土何須物外求田園  
卽茲已覺隔凡境神仙有無甯復論

杭郡詩輯

國朝

鄒仲孺

字

臨安人官爵未詳

### 桃花洞

澗水浮來片片霞漁郎蹤跡到山家當時只種桑麻好

何事偏開結子花

桃花源志畧

費應泰

字二交一字東嶺號履齋雍正乙卯拔貢以武英殿校錄議敘瀘溪教諭著有含翠軒詩

集按應泰  
巴陵人

### 桃源洞

不識桃源路舟人指故山白鷗秋水外黃葉夕陽閒塵  
世境原幻漁郎事可刪時清競朝市長覺洞門閉沅湘  
耆舊

國朝謝如式字里官  
爵未詳

### 秦人洞

一闕靈源歲月深洞門無鎖晝長陰桃花不復隨流水  
漁子何由訪故林蹈破煙霞勞屐齒披來風月淨塵心

### 桃花源志

卷二十一

藝文

十一

退補齋

忘機自喜同猿鶴坐對青山撫素琴桃花源  
志畧

喬光烈字敬亭號潤齋上海人乾隆丁巳進士授寶  
雞縣知縣累官河南布政使擢貴州巡撫調

湖南因案落職仍起甘肅  
布政使著有最樂堂文集

### 桃源洞詩

并序

癸未秋余自黔移楚偶憶武陵人逸事為訪其所在  
徐行抵洞口髣髴漁人言其坦然口口者為良田滄  
然清冽者為美池翳而叢翠者為桑與竹噫事閱千  
百年其田地桑竹之屬果猶是太元時人所耕所釣  
所手植者否耶乃登飛梁探絕壁低徊俯仰但有野

寺山僧鳥語松響而已問其人杳不知其所之也

驅車古道旁盈矚太平事桑麻河沃若雞犬猶餘食  
屋四時春結繩或可治神界做排碕町曠鹿場次洞外  
人勞勞洞裏人猶睡桃林拂人衣鳥語猜人意礮碇四  
圍煙撲面迷游騎篋管千頃絲穿天復曳地遠山嵐欲  
滴迎水聲如織樹影倒入池雲腳斜兜寺野橋飛斷虹  
礪戶月爲帔祠古苔上階字薛碑橫翠沿徑拾秋花馥  
馥薰人醉徒令問津者崩劣思解轡有無縹緲間往迹  
原如寄欲問此中人卽今民與吏

本集

桃花源志

卷二十一

藝文

三

退補齋

國朝

孫良貴

見卷十五

秦人古洞步大司農忠毅公韻

舟從幽磻入猶復探前溪翠滿浮汀草雲生津岸泥未

堪窺錦豹遮莫聽黃鸝不見秦人語桃花久自蹊

墨樵詩鈔

國朝

曹文植

字近薇號竹虛又號齊原歛人乾隆庚辰進士歷官太子太保戶部尙書諡文敏著有石

鼓硯齋詩鈔

桃源洞

武陵桃花源僅憑漁人語我亦疑荒唐豈獨一韓愈六  
然有洞門如何失其所我渡陽棧東疑望拓平楚周遭



百餘里山好立層堵田原足膏腴墟落接衡宇雞犬聲  
相聞米鹽市交集魚雅衣冠傳真率樵牧侶居然世界  
外別有風氣古行行山漸合峭峰峴雙柱下有曲折溪  
淺綠漾沙渚路借巖腹通延緣附一縷名曰桃源洞謾  
向武陵取武陵無知津此地眾所覩想逢二月春桃花  
自繁嫵試問洞中人何年擇斯處定從子若孫上溯父  
而祖豈必因亂離冀以免刀俎山深多奧區往往開洞  
府安見武陵無遂欲訾漁父良由飾神奇謂避嬴秦苦  
太守遣訪之將咨桃源主飾說弗能掩恐干太守怒故  
桃花源志

卷二十一

藝文

三

退補齋

作舊津迷用施巧計阻如何疑神仙議論費毫楮昌黎  
如可作質之或相許

本集

前題

武陵漁郎再來誤我今三入桃源路好山好水何地無  
以居以游亦天付時清豈博淪隱名俗美便是神仙處  
羲皇世界古曾逢懷葛民情今可遇若求安樂必桃源  
焉得如許深山住君不見韋杜近在長安南多少幽人

適閒趣

同上

張九鉞

字度西號紫峴湘潭人乾隆壬午舉人官縣令累江右及廣東凡六任卒年八十三著有

國朝

桃花洞行

十里五里漁歌聲十村九村桃花明飛泉無人絕壁挂  
芳洲自轉蘭芽生長林大道聞鐘鼓云是秦人阡陌所  
流水歸來隔幾春青山一閉成千古松風颯颯吹客頭  
華池明鏡蕩不收雞鳴亭午日上壁瑤草欲動青氛浮  
神仙安得私鄉里世外蕭然自生死秦人不識漢春秋  
陶令猶書晉甲子我謂此中人何樂不向金鵝求大藥  
尋常兒女繞田嬉隨意桑麻對酒酌高牙大纛馳風塵  
桃花源志

卷二十一

藝文

古

退補齋

休辨當年事偽真回頭卽是虛無路得意俄爲鷓鴣人  
夢裏圖中皆可佳何妨再爲漁郎誤桃花欲落沅水深  
便欲拏舟入溪去

本集

騷姚

頤

字震初號雪門秦和人乾隆丙戌進士殿  
試第二人及第官至甘肅按察使著有甬春  
軒詩

訪秦人洞

稻田溝水抱山門無復秦人長子孫莫唱武溪深一曲  
桃源今是路旁村

覓路當時已失真誰將古洞獻行人荒池一勺無源水

賺得塵凡盡問津

欲禮瞿童空復情臨風佇聽紫鸞聲遇仙橋上憑欄處

方竹靈蒲生未生 本集

國朝董思恭 見卷十五

### 桃源洞

紛紛耳食襲陳言避亂羸秦底事翻但使太平氛氣靜

海天何處不桃源 桃花源志畧

國朝劉詔陞 字峻坡衡山人乾隆己丑進士官戶部主事

### 游桃源洞與聶藻庭話別

桃花源志 卷二十一 藝文

五 退補齋藏板

徑穿石壁入幽奇生面宏開勢轉夷千仞鸞山懸翠嶽

重城雉堞俯采鳳迎人洞外桃初蕊繫馬江干柳未絲

他日鄉亭一杯酒憑將春色到天涯 桃花源志畧

國朝龔大萬 字體六號荻浦武陵人乾隆辛卯進士選庶吉士充武英殿國史館纂修典試廣西大

考休致純廟東巡召試行在授內閣中書轉典籍著有賜扇樓草

### 桃源洞

七度過桃洞停舟此一回白鷗迎客到黃蝶引人來路

入煙霞界山橫竹樹隈行行剛午霽籬落絳桃開 本集

國朝鄧枝麟 字翰伯號南坡甯鄉人乾隆丁酉拔貢官乾州廳教諭著有海粟園詩稿

秦人洞

長城萬里白骨朽秦人半死獨夫手侯生已去盧生還  
避世猶有桃源叟花開花落幾經春山洞幽深不見人  
川原十里紅如錦卻許漁郎來問津望夷宮中胡亥死  
英雄逐鹿紛紛起漢家伏臘四百年深山歲月長如此  
我來躡屐綠蕪中種桃人去煙濛濛一聲長嘯振林木

溪邊笑殺桃花風

沅湘者舊集

國朝

王敬禧

字孝承一字南陔號春聖先世居浙江錢唐客游于楚占籍為武陵人乾隆中貢生著有

詩教堂集

桃花源志

卷二十一

藝文

夫

退補齋藏板

望桃源後洞

緜濛林藿抱山斜山上秦人舊有家  
版籍何須區魏晉神仙端合愛桑麻  
巖扃清闕誰探鑰桃樹芳濃正作花  
如有層樓鎖深處避喧應厭世人誇

尋源願結十年前津逮靈區亦惘然  
石髓未餐仍俗客雲林無地學頑仙  
刀圭漫博三升酒卿相何如二頃田  
應被漁郎笑行役沿溪紅樹不停船

沅湘者舊集

國朝

夏元成

字培堂武陵人乾隆戊申舉人官瀏陽教諭

秦人洞

何處深山可避秦青溪一帶菜蘿春不須更向漁郎問

只見桃花便是津

桃花源志畧

國朝范鶴年

見卷十五

游桃源洞

白雲山觀雲巖

水牯山蠶世業傳先生原不記神仙桃花歲歲無租稅

不是人間即洞天

桃花也不到人間况復漁郎去可還埽盡落英重蒔竹

怕人猶識武陵山

桃花源志畧

王步雲

字

湘鄉人乾隆己酉舉人官桃源縣訓導

桃花源志

卷二十一

藝文

七

退補齋藏板

游秦人古洞

徑仄白雲孤山空殘日墜雞犬不聞聲桃花紅滿地

桃花源志畧

國朝顧

鑑

字戒菴江陵人官爵未詳

桃源洞

路問桃花源遙指白馬渡晡靄雲氣深秦人從此去秦

人去千載白雲長自護何年靈境開花源忽呈露從此

傳人間物外感生聚我來已深冬不見桃花雨林深水

無源水繞山迴互草木淨餘芳魚鳥適幽趣彷彿雞犬

聲遠出雲中樹奇踪託杳渺欲覓曾無路嗟彼武陵漁  
津逮仍迷誤爲問避世人高舉將焉赴淵明結妙想孤  
懷聊自寓寓言非人間愉悅何所慕

桃花源志畧

國朝

顧開雍

字

官爵未詳

華亭人

### 桃花源

移家卻憶避秦年洞口桃花事渺然樵徑一聲驚岫竹  
石門半掩散山泉風流太守懸游屐蕩漾漁郎返釣船  
阡陌有無休借問漫隨殘菊訪真仙

桃花源志畧

國朝

高邁

祖

字里官爵未詳

### 桃花源志

卷二十一

藝文

六

退補齋藏板

### 桃花源

欲向源頭問舊蹤洞門長遣綠苔封白雲滿眼迷幽徑  
瀑布聲連萬壑松

桃花源志畧

國朝

林

塤

字磐安湘潭人官爵未詳

### 武陵洞

千年深洞鎖煙霞萬樹蠶桑百頃麻白叟黃童無世法  
山邊水際盡農家商周俎豆傳猶謹鄒魯衣冠製未差  
怕引塵埃車馬到于今更不種桃花

### 憶武陵洞

流水飛花繞洞門  
千年閒境百家村  
不征租稅無官吏  
力課耕桑有子孫  
特闢未經神禹迹  
安居翻憶祖龍恩  
漁郎去路今何在  
空使溪山結夢魂

桃花源志畧

國朝朱定元 字 武陵人

官爵未詳

### 桃源洞

楊柳回汀合桃花古洞開  
閒雲堆冷砌片月老蒼苔  
雞犬隨風聽桑麻帶雨栽  
故人何處去漫道避秦來

桃花源志

畧

國朝郭中望 字 桃源人

官爵未詳

桃花源志 卷二十一 藝文

九

退補齋藏板

### 春游桃川洞

偶攜杖屨到山阿  
古木森森護薜蘿  
幾處雲連人跡少  
一溪水泛落花多  
身臨洞口殷勤誌  
路接壺頭感慨過  
爲問當年逃世客  
桑麻雞犬近如何

桃花源志畧

國朝胡士註 字 酒民 攸縣人 乾隆朝

歲貢生 官 武陵縣訓導

### 桃源洞

桃源仙洞歷千秋  
六十年來始一遊  
欲叩洞門人不應

西風空釣纜船洲

桃花源志畧

國朝方捷昌 字 皋言 巴陵人 乾隆朝 歲貢

生 著有 醒心錄 養正蒙訓 編

桃源洞

絕巘盤幽徑危橋對小廬深林閒鹿豕曲磻坐樵漁里有羲皇俗家無漢魏書曠然今古意或恐是華胥

桃花源志

畧

國朝

翦蒿芬

字

官爵未詳

桃源人

桃花洞

躡蹬覓仙跡深林迥出塵白雲迷洞口紅雨落溪澗秦

晉知何代桑麻別有春往來耕種者卽此是漁人

同上

國朝

汪坤

字元至號玉屏旌德人著有忍冬庵

詩集。按國朝正雅集作甘泉人

桃花源志

卷三

藝文

三

退補齋藏板

舟中望桃源洞

夾岸俱桃花青溪幾曲斜山中無魏晉洞裏自桑麻有

客曾來此凡心忽憶家遂教千載後遙望祇煙霞

蘭言集

國朝

何璉

字

官爵未詳

桃源人

桃源洞

舊讀淵明記今來洞口游鶴飛丹嶂合松老碧煙浮

于尋仙跡潺湲聽澗流白雲千萬片谷鳥一聲幽

桃花源志

畧

國朝

李廷選

字

經臺武陵人官爵未詳



訪秦人洞

漢壽城邊來言訪秦人去踏盡沿溪花秦人在何處

桃花

源志

男

姚學瓌

見卷十六

桃源洞

誰知經驛路忽復到仙源稍覺煙霞異聊忘車馬喧人

間此邱壑物外自田園流水無今古桃花何處村

昔聞避世士今見太平氓茅屋依雲住山田帶雨耕松

杉侵石色雞犬亂溪聲靖節荒祠外悠然萬古情

竹素齋遺

桃花源志

卷二十一

藝文

三

退補齋藏板

葉

國朝

吳嵩梁

見卷十

桃源洞

沅水南流曲秦人深處家耕桑無賦稅寢食有煙霞

盛世誰高蹈幽尋且釣槎仙鄉容早結繞屋種桃花

本集

國朝

楊先鐸

見卷十六

登川上亭望桃源洞

秋水茫茫捲暮煙秋山轟轟擎青蓮綠蘿四十二福地

白馬浪光三十五洞天好山好水看不盡一一飛墮吾

樽前況有桃源在咫尺縹緲不似蓬萊巔溪頭丹楓逐  
流水疑是千片萬片桃花流出清泠泉昨宵夢入秦人  
洞桑麻雞犬非人閒黃童白叟見客至煮酒爲我開芳  
筵自言此中自太古歲歲耕種無糧田座閒似訝陶處  
士此語肯爲外人傳醒來餘醒尙未解是耶非耶心茫  
然今朝江亭快登眺手捫星漢疑飛仙入山何須採靈  
藥驅使草木成丹鉛但當攜家共耕織稱觥介壽三千  
年人間快意那得此空有意想無機緣君不見桃花洞  
口迷煙霧一路斜陽照紅樹依舊漁郎捕魚去

醒齋  
詩草

桃花源志

卷二十一

藝文

三

退補齋  
藏板

桃花源洞種桃東吳素村

桃花溪頭淨如練岸柳垂垂蘸波面舊日桃花一片無  
紅霞遠近空留戀延陵公子如曼卿飄然遺世來問津  
乞得瑤池王母種空山拋擲生雲根種桃自製聯珠體  
約我鋤雲碧山裏我亦欽崎磊落人探春早被鶯呼起  
鶯呼歷歷江路斜手攜千片萬片天台霞不求一夕繁  
英之幻術不愛上林緗紫之繁華蓬頭弟子茅山住與  
我騎驢入煙霧泥丸纍纍三百顆爲補君前未栽處從

此仙源不寂寥年年春信來相邀何須定飲秦人酒到

此看花亦足豪

同上

國朝朱和璧

字玉亭武陵人官爵未詳

桃源洞

聞記名山舊避秦衣冠不改葛天民桑麻雞犬雲中物

也許漁郎再問津

桃花源志畧

國朝陳廷鴻

字爵未詳桃花源人

游桃源洞

步到修篁處翻疑別有天飛橋依絕壁仄磴鎖蒼煙路

曲花迴轉山空水斷連此來仙未遇且伴老僧眠

桃花源志

桃花源志

卷二十一

藝文

三

退補齋藏板

畧

國朝陳浩

見卷十

過白馬雪濤訪桃源洞

瘦石嶙峋鎖碧涯飛泉紅濺隔林花銀濤雪浪無今古

白馬西來帶曉霞

九重金闕散朝霞翦出連雲萬樹花閨苑蓬山收不盡

東風吹送野人家

桃花源志

國朝夏逢夔

字未詳益陽人

桃源洞紀行口占

濤飛白馬渡江斜一徑穿雲翠律遮恍似漁郎從口入  
欲於何處認桃花

雞犬桑麻樂有餘此中曾讀未焚書桃源一記留瀟櫟

咄咄千秋說子虛桃源洞志

國朝孫桐生見卷十一

偕李荔峯劉笏雲兩同年遊桃源洞

文書堆裏掣閒身紅樹青溪好問津乍向此中聽人語

知儂已作捕漁人

勾他劉阮飯胡麻又引漁郎入水涯總是紅雲太多事

桃花源志

卷二十一

藝文

五

退補齋藏板

仙人何苦種桃花

不知朝市不知年世外桃花別有天我欠武陵人勇決

到來猶未捨漁船

當塗典午事何如避得秦人世外居最是祖龍搜不盡

山中還有未燒書

太古純風有葛天垂髻黃髮自怡然而今雞犬眠難穩

稅吏敲門夜取錢桃源洞志

國朝馮學醇字香泉武陵人官爵未詳

桃源洞

山川闢靈境中開而外闕昔有避秦人相率來絕地人  
閒路不通足可遺塵累沿溪忽有人春風何多事若不

見桃花漁郎焉得至桃花源志畧

國朝張炳字里官爵未詳

### 秦人洞

洞門深鎖老莓苔一洩漁郎不再開海上空留方士跡

豈知邈世有蓬萊桃花源志畧

國朝艾濂字爵未詳

### 過桃花源

桃花源志卷二十一 藝文

桃源古洞傍江濱水泛桃花處處春漁父不須重問渡

而今無復避秦人桃花源志畧

國朝朱怡鈺字寶田武陵人嘉慶中恩貢生著有寶田詩草

### 秦人洞

古洞秦人去路遙不知黃髮與垂髻雲中雞犬長松隔

月下房櫳宿霧消幾處青山圍碧樹一灣流水繞平橋

漁郎去後無消息風景依稀未易描本集

國朝陳盤禮字涑溪武陵人官爵未詳

借唐竹谷游桃源洞北宿洞旁大士閣

漫說桃源別有天，泉明一記已堪傳。名山相對真如畫，好友回來亦是仙。摩頂松高長蔽日，空心杉老不知年。鍊丹臺圯空惆悵，暫向僧房借榻眠。桃花源志畧

國朝何光業 字小山 武陵人 官爵未詳

### 秦人洞

萬古津誰問，桃源蹟最奇。神仙新世界，日月古皇羲。雞犬雲中杳，衣冠世外奇。相逢司馬代，重話祖龍時。甲子何曾數，兒孫各自嬉。路迷紅雨亂，人老白雲知。靈洞誰徵畫，遺蹤幾勒碑。淵明甘隱逸，歸與醉鄉宜。桃花源志畧

桃花源志

卷二十一

藝文

三

退補齋藏板

國朝沈允桂 字東堂 武陵人 官爵未詳

### 秦人洞

不讀泉明記，何從說避秦。洞中饒樂土，世外有遺民。桑竹餘千畝，桃花滿四鄰。至今碧溪水流出，古時春一與紅塵隔。茫茫不記年，河山猶魏晉。雞犬亦神仙，門掩藤蘿月。橋通瀑布泉，漁郎今已杳。誰泛武陵船。桃花源志

畧

國朝尹普 字夢雲 滇南人 官爵未詳

### 再游桃源洞

十載曾游地琳宮鎖寂寥桃花如隔世流水問前朝雞  
犬雲中隱煙嵐晝裏描清明如踐約未惜馬蹄遙

桃花源志

畧

國朝楊文治

字

官爵未詳

永北廳人

靈巖洞

一徑通幽小洞開桃花點點落蒼苔溪頭應有秦人在

可惜漁郎棹未來

桃花源志畧

路

國朝華

字莊南大興人嘉慶己巳進士

桃花源

桃花源志

卷三十一

藝文

三

退補齋藏板

洞口桃花著色新綠蘿方竹四時春此間便是神仙窟

何事漁郎別問津

桃花源志畧

國朝黃安濤

字霽青嘉善人嘉慶己巳進士由翰林出守江西廣信廣東潮州著有詩娛室詩集

桃花源

吾宗老道真曾此訪秦人一自石門合桃花空復春桑

麻與雞犬洞口儼成鄰莫問神仙事蕭然已絕塵

本集

國朝黃

鏞

字鳴周號谷音吳縣人官爵未詳

遊桃花源歌

昔聞桃花源真足空千古我友貪奇遊我觸熱遊輕劬

上萍溪之澗溪流渾渾灘疊疊舍舟徑上穿林隔兩山  
夾澗炎景赫赫荒利無人但環堵石龕斜倚踞地坐心氣  
稍涼汗流雨小亭呼僕買甌漿朋儕相對互相語不知  
仙洞果何如科頭聊向林端舉山砢石磴頗曲折數十  
百級緣若鼠四山積水會隙下非泉非脈色膩乳摩崖  
立石幾唐宋半蝕苔花雜泥土羣峯圓轉自羅列欲覓  
雲根無一縷一菴峯頂誰誅茅疑是秦人飯客所野僧  
漫無主賓意豈有漁郎飽雞黍當年作記竟何憑頗悔  
此游成莽鹵我友大笑君勿瞋高人自作溪山主去來

桃花源志

卷二十一

藝文

三

退補齋藏板

領畧仙隱意溪草山花皆媚嫵塵纓一澗俗慮靜豈惜  
登攀值煩暑林壑欲暝棲鴉集斜日歸霞半吞吐溪光  
晃漾月東上更逐漁舟弄煙艫長歌相與記遊蹤六月  
之望歲戊午

桃花源志畧

國朝

于學勤

字

官爵未詳

桃源人

桃源洞

綠竹青松兩岸栽桃花片片逐溪來秦人此日知何處  
洞口雲封擘不開

國朝

吳登選

字

嘉慶庚午舉人

瀛樵武陵人



游桃源洞

青山如髻柳如煙一水盈盈綠到天布鞵青鞵來絕境  
看花人似洞中仙

居人競說古桃源漁笛牛歌長子孫但得柴桑歸去意  
不堪頻向外人言

桃花源志畧

國朝

葉自淵

字

保山人嘉慶辛未進士官主事

再訪桃源洞

迢遞仙源又問津竹溪雲舫紀前因  
蘇碑篆刻文仍晉雞黍人家世隔秦  
權狎鷗汀牽翠荇波橫螺黛接蒼垠

桃花源志

卷二十一

藝文

二

退補齋藏板

桃花不放春消息忘却漁郎是故人

桃花源志畧

國朝

奈世清

字岳湖桃源人嘉慶癸酉恩貢生

秦人洞

洞擘雙峯一線開局巖隱護靈胎  
詩人止解翻陳迹漁子何曾誤後來  
擲斧看棋今日局空心摩頂舊時材

臨風爲語求仙客莫學漁郎到便回

桃花源志畧

國朝

祁嵩藻

字叔穎一字南甫山西壽陽縣人嘉慶甲戌進士由翰林院編修官至體仁閣大學士著

有饒統亭集

自桃源南行三十里得秦人洞

按是詩官湖南學政作

晨策辭城闈溪流翳叢薄空濛霧雨深隱約帆檣泊側  
峯閒橫嶺登降勢聯絡編竹見人家炊煙識墟落岸樹  
堆綠蓑巖花被朱襪鳴鐃耳驟聆問渡心遙度崖開一  
水喧日出羣仙躍緬思桃源人避世遠栖託洞天空復  
存津路杳如昨下馬讀斷碑躡衣步虛閣曲蹬仰攀援  
飛泉下磅礴顛然天風來萬竹響幽壑筍高過枿欄葉  
密勝帷幕我欲叩石扃雙扉靜無鑰但見遇仙橋難覓  
盤空索瞿童已飛去秦人安可作塵心墮鄉縣天籟出  
鸞鶴蕭侯古仙吏送我青山郭清譚啜苦茗豪興理芒  
屨方今太平日風氣歸渾噩盱盱懷葛民浩浩黃綺樂  
攬轡謝使君蒔花遲後約

本集

桃花源志

卷二十一

藝文

三

退補齋藏板

國朝

蕭

昇

字星垣

官湖南桃源縣知縣

人

自桃源南行三十里得秦人洞上祁提學

春深桃豔映晴江爲訪仙源泛小艘古洞雲封何處是  
前溪流水自淙淙  
避世遙傳眾論淆殘碑題徧此山坳僞真休問前朝事  
愛聽清風翠竹敲

洞門長此鎖煙巒漫怨漁人侈異談當日水流花不露

箇中消息有誰探

橋邊飛瀑濺春衫徑滑攀蘿上石巖喜侍宗工邀物色

雲山指點判仙凡

桃源洞天志

國朝唐開源

字問渠武陵人官爵未詳

自穿石一日至朗江友人約游桃源洞未果

茫茫身世嘆飄蓬選勝登臨想像中留客已虛雞黍約

挂帆真似馬牛風一江春水纔拖碧兩岸桃花未落紅

我愧風塵少仙骨洞門深處路難通

桃花源志畧

國朝莫友芝

見卷十八

桃花源志

卷二十一

藝文

三

且補齋藏板

桃源洞

散髮坐莓苔仰視天垂井乳溜時一聞蒼崖墮秋影

詩鈔

亭

國朝王寅

寅

字亮甫號琴榭武陵人道光己丑進士改庶吉士散館吏部主事考取軍機章京著有琴

坵詩草

游桃源洞

沅水翻白馬春山淨綠蘿我來經洞口一片白雲多方

竹亭何在殘碑字欲磨桃花今不見惟聽打魚歌

本集

國朝陳樂光

字太霞武陵人道光壬辰舉人善化縣訓導著有太霞詩鈔

秦人洞

不理地市不城邊過盡狐鳴鹿走年亂世可逃非作隱  
外人未解自疑仙漁郎道路難重問處士文章有意傳

記取篇端標晉代柴桑何必異桃川

沉湘者舊集

國朝何紹基

字子貞道州人道光丙申進士官翰林院編修典試貴州視學四川著有使黔草

秦人洞

秦人虎視掃六合六雄俛首皆稱臣既班詔書壹度量  
盡銷鋒虞坑儒紳豈知亂萌有先見攜兒挈婦稱避秦  
巖居不止楚三戶淳俗尙是周遺民當時丞相非臣斯

桃花源志

卷二十一

藝文

三

退補齋藏板

小篆未出况八分山中俎豆乃周製當有六經真古文  
後來陳農不及采矧彼羸猨何由焚惜哉漁父不識字  
忘溪遠近空逡巡郡國屋壁既難恃大航頭書來亂真  
南陽高士志猶阻柴桑隱者詩徒新溪水縈紆三百里  
桃花開落三千春我知難免洞口笑終古紛紛皆外人  
本集

國朝

葉名澧

見卷十八

桃源洞行

停舟桃花源洞閉已千載桃花落盡雞犬稀翠壑丹巖

長不改天風蒼蒼薜蘿深飛泉浙瀝如幽琴漁舟欸乃  
不知數沅水東流自古今

敦夙好齋詩集

### 晚泊桃源洞對岸

寥寥村市外過客未迷津柳色依行舫雞聲接比鄰樹  
深時見犢谿靜足垂綸咫尺桃源路常爲太古民

同上

國朝

王柏心

見卷十八

### 雨泊桃源洞

寒雨宵鳴沅水濱維舟難訪避秦人自慚仙隱皆無分  
不逐漁郎更問津

漆室吟

### 桃花源志

卷二十一

藝文

三

退補齋藏板

國朝

白恩佑

字蘭巖介休人道光丁未進士由翰林擢御史出爲湖南鹽法道著有蘭巖詩鈔

### 癸亥仲春遊桃源洞得詩六首

偶艤蘭橈換筍輿偷閒也學武陵漁沿溪歷徧三三徑  
風送野花香襲裾

峯峯削劣矗雲煙忽地中開一洞天似見桃花迎面笑  
漁郎去後已多年

兩山夾峙竹千竿一道飛泉瀉急湍偶向遇仙橋畔過  
渾疑環珮響珊珊

攀蘿躡磴恣幽探絕頂遙臨百尺嵐太息佛堂逢劫火

翻教靖節與同龕

洞口桃花片片飛淵明之記是耶非笑余濟勝真無具

懶向峯頭扣石扉

喜遇能詩泉上人題詩滿壁劇清新禪堂小憩恩恩別

可許仙源再問津

桃源洞天志

鬪

陸仁愷

原名恬敬避改名字澹吾臨桂人咸豐壬子科進士現官兵科掌印給事中

### 游桃源洞

參差樓閣枕山巔此是秦人古洞天雙屐穿雲尋斷碣

一筇倚石聽鳴泉有時竹裏聞樵唱無復花間繫釣船

桃花源志

卷二十一

藝文

三

退補齋藏板

雞犬聲來在何許欲循溪徑渺雲煙

不逢漁父遇詩僧小憩聊參最上乘佛界尙難逃劫火

仙靈何處學飛昇巖間紫翠侵禪榻壁上龍蛇滿剡藤

今我來遊應作記閒如靖節愧無能

桃源洞天志

傳壽彤

字青餘貴筑人咸豐癸丑進士翰林院編修現官河南按察使著有澹勤室詩集

### 桃源洞

桃花溪桃花煙桃花栽時今幾年桃花之南辰關窮岷

桃花之北荆流湛碧溪頭紅雨春雲陰斷橋曲曲桃花

林千枝萬枝好顏色林樹暮還朝溪流鳴復咽人間多

少桃花血桃溪之南沅有芷桃溪之北蘭生澧楚山青  
青楚雲紫君不見楚雲紫貞臣死桃花溪汨羅水

本集

國朝

呂朝瑞

字九霞旌德人咸豐癸丑進士第二及第翰林院編修

南書房行走湖南學政著有

詩集

甲子春三月游桃源古洞次泉亭上人原韻

模山範水媿非才洞訪秦人叩不開曲磴緣巖支竹樹  
斷碑臥地沒蒿萊碧桃已落客方至丹竈猶存仙未來  
橋上谿邊游歷徧尋源何處重疑猜

新詩惠贈見清才竹裏禪房爲我開野味無嫌具蔬筍

桃花源志

卷二十一

藝文

三

退補齋藏板

雲居何必羨蓬萊披圖遠溯晉唐宋招飲長歌歸去來

余亦忘機同海客山中猿鶴莫相猜

桃源洞天志

國朝

呂翰芬

字黍農旌德人九霞先生子

侍家大人與同幕諸公遊桃源洞卽次泉亭上人

原韻

諸君矯矯不凡才同訪桃源眼界開古碣捫時迷積蘚  
僧田亂後半汙萊溪邊竹影隨風亞巖際泉聲帶雨來  
檢點陶公詩與記勝遊且喜得追陪

霏屑清談愛辨才禪關雲鎖爲誰開煙霞養性偕猿鳥

松竹怡情薙草萊僧話未闌偏別促山靈有約待重來  
漁郎已往瞿仙去尋訪遺蹤許再陪

桃源洞  
天志

桃花源志

卷三

藝文

三

退菴齋  
藏板

桃花源志卷三十一終



桃花源志卷二十二目錄

藝文 古今體詩

桃源圖 桃源歸隱圖 桃花山水圖 桃源春曉圖

唐

韓愈 一首

宋

胡致隆 一首

王十朋 一首

樓鑰 一首

魏了翁 一首

錢選 一首

施樞 一首

桃花源志 卷三

目錄

退補齋藏板

陳賡 一首

元

許衡 二首

王十暉 五首

元好問 二首

迺賢 一首

吳澄 一首

黃潛 一首

丁鶴年 一首

趙孟頫 三首

周權 二首

薩都刺 一首

華幼武 一首

揭傒斯 一首

馮信可 一首

成廷珪 一首

吳師道 一首

張憲 一首

傅若金 一首

陳高 一首

杜本 一首

釋祖欽 一首

明

張以甯 一首

李擘 一首

貝瓊 一首

唐肅 一首

解縉 一首

沈周 一首

何喬新 一首

林璧 一首

何景明 一首

顧鼎臣 一首

桃花源志

卷三

目錄

二

退補齋藏板

陳珀 一首

文徵明 一首

陳九川 一首

虞守愚 一首

于慎行 一首

陳繼儒 一首

王節 一首

朱積 一首

謝承舉 一首

文嘉 一首

孫一元 一首

朱彥昌 一首

許儀 一首

許儀 一首

許儀 一首

桃花源志卷二十二

永康胡鳳丹月樵編纂

藝文

唐韓愈

字退之南陽人少孤刻苦為學盡通六經百家貞元八年擢進士第官至吏部侍郎卒贈禮部尚書諡曰文著有韓昌黎集

桃源圖

神僊有無何渺茫

一作渺芒

桃源之說誠荒唐流水盤回山

百轉生綃數幅垂中堂武陵太守好事者題封遠寄南

宮下南宮先生忻得之波濤入筆驅文辭文工畫妙各

桃花源志

卷二十二

藝文

一

退補齋藏板

臻極異境恍惚移於斯架巖鑿谷開宮室接屋連牆千

萬日羸顛劉蹶了不聞地坼天分非所恤種桃處處惟

開花川原近遠

一作遠近蒸一作蒸

紅霞初來猶自念鄉邑歲

久此地還成家漁舟之子來何所物色相猜更問語大

蛇中斷喪前王羣馬南渡開新主聽終辭絕共悽然自

說經今六百年當時萬事皆眼見不知幾許猶流傳爭

持酒食來相饋禮數不同樽俎異月明伴宿玉堂空骨

冷魂清無夢寐夜半金雞啁晰鳴火輪飛出客心驚人

閒有累不可住依然離別難為情船開櫂進一迴顧萬

里蒼蒼煙水暮世俗甯知偽與真至今傳者武陵人集

宋胡致隆字藏之臨江人自號蕭灘居士無子遺稿不傳

### 題吳生畫桃源圖

王宰十日畫一石左思十年賦三都誰似今時吳道子

咄嗟能辦武陵圖武陵不與人閒隔可憐舊日無尋覓

蒼蒼烟水只依然試倩漁舟問消息宋詩紀事

宋王十朋字龜齡樂清人紹興丁丑進士孝宗朝累遷起居舍人侍御史吏部侍郎歷四郡守以龍圖閣學士致仕諡忠文著有梅溪集

### 和桃源圖

桃花源志 卷十一 藝文 一一 退補齋藏板

世有圖畫桃源者皆以為僊也故退之桃源圖詩詆

其說為妄及觀陶淵明所作桃花源誌乃謂先世避

秦至此則知漁人所遇乃其子孫非始入山者能長

生不死與劉阮天台之事異焉東坡和陶詩嘗序而

辨之矣故予按陶誌以和韓詩聊證世俗之謬云

嬴秦斬新開混茫傲睨前古無虞唐詩書為灰儒鬼哭

李斯秉筆中書堂長城丁壯無還者送徒更往驪山下

避世高人何所之出門永與家鄉辭入山惟恐不深處

豈是得意巢於斯來時六合為秦室未省今為何歲月

吏不到門租不輸子長丁添更何卹春入山中桃自花  
招邀隱侶傾流霞男耕女織自婚嫁派別支分都幾家  
誰泛漁舟迷處所山開洞闢聞人語乍相驚問卒相歡  
設酒烹雞講賓主可憐秦事已茫然帝業初期萬萬年  
猶道祖龍長在世豈知異姓早三傳鄰里慙懃爭餉饋  
人情與世無相異未信壺中別有天卻訝身游與夢寐  
山花亂眼鳥哀鳴數日留連喜復驚更從洞口尋鄉路  
逢人欲話疑非情異日扁舟欲重顧水眩山迷紅日暮  
後來圖畫了非眞作誌淵明乃晉人

本集

桃花源志

卷三十一

藝文

三

退補齋藏板

宋樓

鑰

字太防鄞人昇孫隆興元年進士累官中書舍人給事中甯宗朝歷翰林學士同知樞密

院事進參知政事卒贈少師諡宣獻著有攻媿集

桃源圖

夷堅丙志載桃源圖畫事甚詳曾茂昭尙書以所藏  
墨本題識其上後見遺余益信夷堅之說不誣作長

句以謝

桃源初傳武陵谿靖節作記人不疑其先深避嬴政虐  
嘉遜與世眞相違尙不知漢況晉魏子孫綿遠無終期  
正如三韓有秦語傳爲神僊愈難知桃林洞府漁人窺

別有天地均四時意必智者塞其蹊不然將爲世所羈  
後人想像作圖畫但見耄稚咸嬉嬉人家隨處成井市  
畎畝頗亦分塍畦井鬼下照坤之維方士異人多崛奇  
筠籠二版堅如鐵能刻景物窮纖微淨室給以酒盈斗  
一昔圖成了無虧同寮欲求第二本版忽震裂人已非  
夷堅志怪言歷歷何意今乃親見之未知桃源有此否  
此事茫昧不可稽初疑長房縮地脈又似照影歸摩尼  
巨麗寫成阿房賦牽連貌出連昌辭采女細數七十二  
人言霓裳舞羽衣樓閣玲瓏在縹緲其間恐有太真妃

桃花源志

卷三

藝文

四

退補齋藏板

刻畫工巧世固鮮磨以歲月或可爲彩鸞唐韻已甚捷  
未見神速能如斯 本集

宋

魏了翁

字華父號鶴山邛州蒲江人慶元五年進士理宗朝累官簽書樞密院事改資政殿學士福州安撫使卒贈太師諡文靖著有鶴山集

題桃源圖

伏勝高堂書已出竇公制氏樂猶傳魯生力破秦儀陋

商皓終扶漢鼎顛隱者甯無人禮義武陵匪獨我山川

若將此地爲真有亂我彝倫六百年

本集

宋錢

選

字舜舉號玉潭吳興人景定間鄉貢進士家有習懶齋因自稱習懶翁雪川翁清臞老人

皆其別號也

### 題桃源圖

始信桃源隔幾塵後來無復問津人武陵不是花開晚

流到人間卻暮春

宋詩紀事

宋施樞

見卷十三

### 題桃源圖

山中與世不相關鷄犬桑麻盡日閑傍水桃花春爛漫

誤傳消息到人間

芸隱詩集

宋陳賡

字子颺人官河東山西道行中書省參議

桃花源志

卷三

藝文

五

退補齋藏板

### 武善夫桃源圖

武郎種桃滿雲溪三月紅雨行人迷自從玉勒入雲馭

春風杜宇年年啼飛黃騰踏有天倪紫電轉盼天山低

要將白壁沾蛾眉更把黃金鑄馬蹄羲和挾輶六龍馳

暮景恐迫虞淵西新詩擬喚槐安夢咫尺溪邊春色動

飛花漠漠水泠泠蒼苔荒了煙霞洞聞道西風解澗人

何處江山可問津征塵障斷仙源路且看丹青萬樹春

宋詩紀事

元許衡

字仲平號魯齋河內人世祖在秦中聞其名徵授京兆提學辭卽位後召爲太子太保不

拜改國子祭酒未幾謝病歸至元初命議事  
中書省七年拜中書左丞尋以集賢大學士  
兼國子祭酒卒年七十三大德二年贈司徒  
諡文正皇慶二年從祀孔子廟庭學者稱魯  
齋先生著  
有魯齋集

### 題武郎中桃源歸隱圖

桃溪風景寫橫披  
渾似秦人避亂時  
萬樹春紅羅錦綺  
一灣晴碧捲琉璃  
飲中更聽琴聲雅  
靜裏初無俗事羈  
他日君侯歸此隱  
肯容閒客日追隨

門外鞦韆冷翠煙  
籬邊雞犬亦閒閒  
更教爛漫花千樹  
對著縈紆水一灣  
好景已憑摩詰畫  
他年重約長卿還

桃花源志

卷三

藝文

六

退補齋藏板

尋思此世人心別  
又愛功名又愛山

本集

元王

暉

字仲謀衛州汲縣人中統初辟為詳議官尋  
轉翰林院學士大德五年上章求退卒贈學  
士承旨進封太原郡公  
諡文定著有秋澗集

### 題桃源圖後

有序

至元癸未夏五月二十日經略史公邀余樓居燕語  
仍出示桃源古畫二大軸蓋佳筆也公因詢茲事有  
無其意果云何者明日賦此詩以呈

君侯示我桃源圖  
絹素剝裂丹青渝  
衣冠俎豆三代古  
髣髴物色開華胥  
當時傳記羨樂土  
存說本末何敷腴



半山歌詠似摭實昌黎論列疑其虛千年繪影見遺跡  
桃源之境誠有無君不見淵明千古士心遠與世疎義  
皇而上每自況肯隨澤雉樊籠拘絃歌歸來朝市改故  
山田園松菊蕪斜川風景固足住未免結廬人境車馬  
時喧呼復讎宣力兩不可天運乃爾將無如遐觀高舉  
深意在安得超出物表冥鴻俱因緣開此武陵說託彼  
奧隱稱樵漁不然果有繼問津雲烟出沒何須臾又不  
見山林不外天壤間迴與世隔皆仙居桃花流水窈然  
在放浪而卽斯人徒放浪而卽斯人徒

歷代題  
畫詩類

桃花源志

卷三

藝文

七

退補齋  
藏板

### 跋武陵圖一首桃源圖三首

淵明高興託冥鴻流水桃花事本空好笑武陵狂太守  
謾回煙櫂月明中

淵明旣號葛天民流水桃花到處春明見筆端閑寓興  
武陵休苦滯漁人

東來連舸泛長湖兩鬢冰霜儘瘁癯偶值漁郎心已媿  
更堪三復武陵圖

溯西到處武陵溪乍涉幽深路便迷始信避秦元寓說

淵明遺世厭羈栖

同上

元元好問

字裕之秀容人德明子興定五年進士歷官左司都事轉行尚書省左司員外金亡不仕

桃源圖二首

物外煙霞卜四鄰武陵不是避秦人  
軟紅香土君休羨  
千樹桃花滿意春

金罽珍珍六月寒桃花春夢隔征鞍  
青山歸計何時辦

畫卷空留馬上看

本集

元迺

賢

字易之本葛邏祿氏驛言馬也世居金山之西元興西北諸部多散處內地故易之稱南陽人隨其兄宦游江浙卜居于鄞為東湖書院山長以薦授翰林編修官著有金臺集

桃花源志

卷三十一

藝文

八

退補齋藏板

桃花源山水圖

為桃源屠啟明題

天台山下雲無數山南山北多桃樹石洞春寒風雨深  
落花半逐溪流去人間從此識仙家短棹尋源到水涯  
翠裏乘鸞下明月玉槃留客進胡麻我昔捫蘿探幽谷  
青精煮飯松間宿至今瞳子有神光細字猶能夜深讀  
高人築屋石溪東谿山卻與天台同粉黛含情託幽趣  
碧桃流水春溶溶六月黃塵汗如洗獨騎瘦馬京城裏  
忽見新圖雙眼明拏舟欲泛滄浪水我家只在蒼崖巔  
白雲繞屋青溪連他日君能遠相覓看花酌酒春風前

本集

元吳澄見卷十四

題桃源春曉圖

矇矓曉色破初春一洞桃花樹樹新此景世間真箇有

只今去作捕魚人草廬集

元黃潛字晉卿義烏人延祐二年進士累官翰林侍講學士中奉大夫知制誥同修國史同知經筵事卒諡文獻

著有黃文獻集

桃源圖

山容慘慘將爲雨雲氣垂垂欲傍花莫問前村何處覓

桃花源志卷五藝文

九退補齋藏板

垂蘿盤石卽吾家本集

元丁鶴年見卷二十

題桃源圖

放舟長怪武林人強覓桃花洞裏春若使仙源通一線

如何避得虎狼秦本集

元趙孟頫字子昂宋太祖子秦王德芳之後也四世祖崇憲靖王伯圭賜第湖州故子昂爲湖州人

年十四以父廢補官宋亡家居益自力于學侍御史程鉅夫奉詔搜訪遺逸以孟頫入見

授兵部郎中遷集賢直學士出爲同知濟南總管府延祐中累拜翰林學士承旨至治初

卒年六十九追封魏國公諡文敏著有松雪齋集

題桃源圖

戰國方忿爭，嬴秦復狂怒。冤哉魚肉民，死者不知數。斯人逃空谷，是殆天所恕。山深無來逕，林密絕歸路。艱難苟生活，種蒔偶成趣。西鄰與東舍，雞犬自來去。熙熙如上古，無復當世慮。安知捕魚郎，延緣至其處。遙遙千載後，緬想增慨慕。卽今生齒繁，險絕悉開露。山中無木客，川上靡漁父。雖懷隱者心，桃源在何許。況茲太平世，堯舜方在御。干戈久已戢，老幼樂含哺。田疇畢耕耨，努力勤蓺樹。毋爲問迷津，窮探事高舉。

本集

桃花源志

卷三十一

藝文

十

退補齋藏板

題商德符學士桃源春曉圖

宿雲初散青山溼，落紅繽紛溪水急。桃花源裏得春多。

洞口輕

一作春

煙搖綠蘿綠，蘿搖煙挂絕壁飛流直。

一作涼

下三千尺。瑤草離離滿澗阿，長松落落凌空碧。雞鳴犬

吠自成村，居人至老不相識。瀛洲仙客知仙路，點染丹青

寄輕素，何處有山如此圖。移家欲向山中住。

同上

畫桃源

桃源一去絕埃塵，無復漁郎再問津。想得耕田並鑿井，

依然滄樸太平民。

同上

元周權見卷十四

桃源圖

蒼茫煙水隔塵凡源上霞蒸曲曲山一自漁郎歸去後  
武陵春色滿人間此山集

桃源圖

千重萬重蓮瓣山小天包在山中間神椎鑿門石扇裂  
冷香迸出桃花灣漁郎尋春踏溪尾撞入桃花小天裏  
荒村人家無幾家五百年來孫換子不邑不城無憂鄉  
駕雲為屋霞為牆丹雘叫煙桂巖冷白牛耕雨芝田香  
桃花源志 卷三十一 藝文 七 退補齋藏板  
眼中驚見塵中客持酒爭來問鄉國鹿走荒山西復東  
龍渡長江南又北聽闌此語意猖狂月明假榻松間房  
明朝出山重迴首山迷水亂雲茫茫武陵太守意未省  
強要尋源造靈境若是靈境長可通洎俗定變漉漓風  
同上

元薩都刺

字天錫別號直齋本荅失蠻氏祖父以勳留鎮雲代遂為雁門人弱冠登泰定丁卯進士第應奉翰林文字出為燕南經歷擢御史官至河北廉訪經歷尚書著有雁門集

桃源行題趙仲穆畫

長城遠築阿房起黔首驅除若螻蟻誰知別有小乾坤

藏在桃花白雲裏桃花重重間白雲洞門鎖住千年春  
男耕女織作生業版籍不是秦家民桑麻雞犬村村屋  
流水門牆映花竹無端漁父綠蓑衣帶得黃塵入幽谷  
主人迎客坐茅堂共話山中日月長但見花開又花落  
豈知世上誰興亡明朝漁父歸城市回首雲山若千里  
再來何處覓仙蹤恨滿桃花一溪水

本集

元華幼武

字彥清號栖碧無錫州人家素饒財少孤奉  
母名聲藉甚諸公間人有援之仕者力辭不  
就以布衣終至明洪武乙卯  
卒年六十九著有黃楊集

桃源圖

桃花源志

卷三

藝文

三

退補齋藏板

流水桃花世外春漁郎曾此得通津當年只記秦猶在

不道山河又屬人

本集

元揭傒斯

字曼碩江西富州人延祐初薦授國史院編  
修官天麻初授奎章閣授經郎元統初改翰  
林直學士同知經筵事卒  
諡文安著有秋宜詩集

題桃源圖

豈似桃源圖  
更與時流異  
論起市回首雲山若千里

桃源非一處龍虎畫難同內外關踰鐵高低石作叢黃  
旛青劔北紫蓋白雲東蟾影當霄迴蛾眉抱月弓千重  
藏曲折四面削虛空地戶迎風黑天池浴日紅雪霜翻  
濺瀑雷雨瀉崩洪暗識猿啼遠晴聞鳥語工危龕三井

祕絕澗九橋通江合仙巖怒山連鬼谷雄劉王開闢後  
秦晉有無中時見看桃侶頻逢採藥翁丹臺寒漠漠琳  
宇氣熊熊濟勝非無具緣源恐莫窮煙霞俄變滅草樹  
杳龍蔥四序何勞誌羣愚倘擊蒙誰言武陵近十里上  
清宮

本集

元馮信可

字里官爵未詳

題桃源圖

桃溪東迴溪轉長桃花開時春光幽禽出樹亂紅落  
遊魚吹花流水香山人正住溪之澣屋角花開自成塢

桃花源志

卷三

藝文

三

退補齋藏板

尋源未許武陵人隱居且作桃溪主拄杖穿花來水頭  
禽魚亦解識風流往來況有樵雲叟何惜銜杯同倡酬  
一樽時出桃花色花落樽中已無跡醉鄉悠悠白日閑  
黃塵袞袞青山隔明年此日桃花開山人淨埽溪陰苔

我亦天台約劉阮春風一櫂酒船來

元詩選癸集

元

成廷珪

字原常一字元章又字禮執揚州人好學不求仕進惟以吟咏自娛著有居竹軒集

阮子華所藏桃源圖

桃源

一作花

流水似天台髣髴三生到此來玉杵元霜無

處覓金堂玉

一作祕

室爲誰開滄洲一夜生芳草陰洞千

年長綠苔何必誑人秦甲子漁人祇見兩三迴

本集

元吳師道

字正傳蘭谿人至治元年進士授高郵丞調甯國路錄事遷建德縣尹入爲國子助教以禮部郎中致仕

著有禮部集

### 桃源圖

翠嶂清溪遠近春柴荆雞犬接比鄰花開酒熟身無事

便是桃源畫裏人

本集

元張憲

字思廉別號玉笥生山陰人負才不羈嘗走京師創言天下事眾駭其狂張士誠據吳辟爲都事吳亡變姓名走杭州著有玉笥集

### 青山白雲圖

桃花源志

卷三

藝文

古

退補齋藏板

青山青青白雲白一尺小溪千里隔扁舟巖岸不見人

雞聲何處秦人宅桃花流水春粼粼不識人間有戰塵

待得紫芝如掌大歸來甘作太平民

本集

元傅若金

字與礪新喻人元統三年以薦佐使安南歸除廣州文學教授著有清江集

### 桃源圖

聞說避秦地花間忘歲年偶逢漁父問長使世人傳邱

壑渾疑幻林廬或近仙至今圖畫裏惆悵武陵船

渝水詩觀

元陳高

字子上永嘉人至元甲午進士授慶元路錄事遷慈谿令著有不繫漁舟集

### 桃源春曉圖



武陵源上景自古閻幽遐風物圖中見煙雲洞口遮藍  
堆山色近練捲瀑流斜露菌莖莖碧春桃樹樹花丹砂  
昇曉日紅錦散川霞野老衣冠古何人殿宇華漁郎迷  
舊路塵世隔仙家榮辱槐根螻紛爭草底蝸蓬萊環弱  
水商嶺渺黃沙此地如堪覓孤舟便欲拏

本集

元杜本

字伯原江西清江人武宗朝薦至京師不果用歸隱武夷山中文宗卽位徵之不起至正間授翰林待制強應命至杭州稱疾固辭歸學者稱爲清碧先生著有清江碧嶂集

題桃源漁隱圖

山下白雲縹緲水邊紅樹依稀信有桃源深處漁人今

桃花源志

卷三

藝文

五

退補齋藏板

亦忘歸

本集

元祖欽

世稱仰山祖師

桃源圖

春暖洞門花欲然一絲風動釣魚船莫言世上無仙客

須信壺中別有天

元詩選

明張以甯

字志道古田人元末官翰林學士承旨洪武初例徙南京召爲侍讀學士著有翠屏集

題桃源春曉圖

溪上桃花無數開花間春水綠於苔不因漁艇尋源入  
爭識仙家避世來翠羽流雲連玉洞丹霞抱日護瑤臺

幔亭亦有虹橋約問我京華幾日回

本集

明李

晔

字宗表錢唐人元季結草閣居北關門外洪武初官國子監助教未幾以病免卜居永康著有草閣詩集按國朝杭州詩輯未詳何時人且云入國初未久則失考矣豈有洪武初年官至助教而入國朝云云則三百餘年之久尙在入世耶可正其誤

絳桃花發武陵春知是秦時避世人縱使山川異風土

依然父子卽君臣傍巖茅屋雞啼遠隔水柴扉犬吠頻

何日扁舟親到彼坐看烟雨渺絲綸

列朝詩集

明具

瓊

字廷臣一字廷瑤崇德人洪武初徵修元史除國子助教著有清江集

張繼善寄桃源圖因賦詩

桃花源志

卷五

藝文

十六

退補齋藏板

張生愛我桃源圖桃源有路歸何日高堂坐見武陵溪

犬吠雞鳴猶髣髴雲氣拔山山欲行山窮水闊桃花明

仙家只在流水外世上無人知姓名一日花間問漁者

山河百二如崩瓦赤帝西來祖龍死復見同槽有三馬

太康去秦六百秋子孫生長不知憂商顏黃綺亦何事

白髮出侍東宮游龍爭虎戰俱寂寞絕境空在已非昨

種桃何必指秦人春到花開又花落

本集按此詩一作胡翰作俟考

明唐

肅

字處敬會稽人九歲入郡庠通經史兼習陰陽書數少與上虞謝肅齊名稱會稽二肅至正壬寅鄉試授黃岡書院山長嘉興路儒學正洪武三年召修禮樂書擢應奉翰林文字

兼國史院編修  
官以疾歸里卒

### 桃源圖

犬雞人物總秦餘千樹桃花護隱居不識三章新約法  
猶藏萬卷未燒書水通煙澗才容權山暖晴巖可命車

不是阿房三百里楚人一炬便成墟歷代題畫詩類

明解縉字大紳吉水人洪武戊辰進士授中書庶吉士永樂二年進翰林學士右春坊大學士左

遷廣西布政司參議八年逮下詔獄死年四十七籍其家正統元年詔還所籍家產成化

間復官贈朝議大夫謚文毅著有解文毅集

### 為李君題桃源圖

桃花源志 卷三十一 藝文 七 退補齋藏板

丹青妙手稱良工筆端造化真無窮鮫綃一幅如掌大

江山盡入畫圖中晴雲終朝鎖峻嶺釣叟長年棹孤艇

鳥鳴洞口不聞聲日出扶桑樹無影仙桃已去花猶紅

巖冬草色盡青蔥人行相逢路間陌鶴飛不到巖前松

岫山環繞如盤谷流水縈紆武陵曲徬徨幾欲造其間

去路迢迢難著足 本集

沈周 字啟南號石田長洲人舉賢良方正不赴工詩畫著有石田集

### 題桃源圖

啼飢兒女正連廊況有催租吏打門一夜老夫眠不得

起來尋紙畫桃源

本集

明何喬新

字廷秀江西廣昌人景泰甲戌進士官至刑部尚書謚文肅著有椒邱文集

題桃源圖

咸陽鹿走羣雄起河北山東多敵壘楚鄉耆舊獨知幾  
避地移家阻煙水煙水茫茫別有天塵寰疑是地行仙  
誅茅翦棘初爲室引水開渠漸種田老翁侵晨放雞鶩  
稚子乘春藝桑竹無刑無賦無追呼淳風自是羲皇俗  
兒孫更抱日相親酒食時常會里鄰桃花隔斷人間路  
不識西風有戰塵漁郎鼓棹來何許競引歸家具雞黍

桃花源志

卷五

藝文

六

退補齋藏板

當時祇記有秦皇此日方知爲典午水流花謝路榛蕪  
誰把仙源託畫圖雲山有路如可訪便擬辭家往卜居

本集

題桃源小隱集句

桃源面面少風塵王維獨搆茅堂養道真薛玄義萬葉秋聲

孤館夢汪雲一庭草色自家春復見祇從暮醉兼朝醉

子仰李羣御恐聞人是貴人玉借問路旁名利客崔顯朱門雖

富不如貧陳希夷

明林璧字廷美武岡人天順甲申進士授御史官四川僉事

題桃源圖 送人就婚新都

三百灘聲去路長  
黃山白嶽總仙鄉  
隔溪樹拂張生黛  
出峽風傳荀令香  
一葉蘭舟屏裏畫  
千花潭水鏡中妝

爲君細與秦人說  
今日漁郎勝阮郎 歷代題畫詩類

明何景明 見卷十四

桃源圖歌

昔我遊武林坐石窺  
花源岸坼丹洞闕  
風迴綠蘿翻崩崖  
奔古月沓嶂響哀猿  
行車一以過始知人境  
喧真陽仙令欲南往  
手持新畫來相訪  
武陵山水久不覩  
今晨

桃花源志 卷三十一

藝文

五

退補齋藏板

置我高堂上巖穴如聞雞  
犬聲村墟但見桑麻長  
髣髴潭水濱點綴桃花春  
山川似晉代衣服猶秦人  
回首茫然一煙霧尋源誰  
復知真處投簪福地終有  
期畫中先

認桃花樹 大復集○按桃花源志畧誤作何孟春詩

明顧鼎臣 字九和崑山人宏治乙丑進士第一授修撰正德初遷左諭嘉靖初以直講廷受眷擢詹事給事中歷官至禮部尚書兼文淵閣大學士入參機務加少保太子太傅進武英殿

卒贈太保諡文康

仙源圖

仙家寂寂洞門閒  
鶴伴孤雲去復還  
只有桃花留不住

遠隨流水到人間

桃花源志畧

明陳

字珍之號翠峯莆田人宏治六年癸丑進士官太僕寺卿

### 題桃花源圖

一自仲連恥帝秦甘心草莽作逋臣兒孫自解前朝語

花鳥都忘異代春邂逅溪頭追往事夷猶物外寄閒身

漁郎休買重來棹烟水茫茫沒故村

治南詩藪

明文徵明

見卷十四

### 桃花源圖

桑麻雞犬自成村天遣漁郎得問津世上神仙知不遠

桃花源志

卷三十一

藝文

三

退補齋藏板

桃花只待有緣人

本集

明陳九川

字惟濬號竹亭又號明水臨川人母夢吞星而娠少為李空同所知復受業王陽明正德九年登進士第授太常博士諫南巡廷杖削籍嘉靖初起原官進主客郎中為羣小所陷下獄謫鎮海衛尋復官

致仕著有明水先生集

### 題桃花源圖

偶攜鄉里入雲煙一隔塵寰幾百年世上祇言秦網密

桃源原有不租田

江西詩徵

明虞守愚

字維明義烏人嘉靖癸未進士除嘉魚令改萬安二邑入為江西道御史歷官刑部侍郎致仕歸著有

東崖文集

桃源圖

步入霜臺最深處古壁忽見桃源圖雄文妙畫半明滅  
斷壑殘崖似有無摩挲兩眼向前覷愈覺仙踪隔凡世  
寂靜不聞人語聲蒼茫只見漁舟繫漁舟一葉駕漁郎  
沿流已出雲水鄉去日但知秦共漢歸來不記晉與唐  
漁郎去後今何有遺事卻入丹青手題詩尚有南宮生

好事甯無武陵守

金華詩錄

明于慎行

字無垢號穀峯東阿人隆慶戊辰進士由編修官至東閣大學士卒贈太子太保諡文定

著有穀城山館詩集

桃花源志

卷三

藝文

三

退補齋藏板

題桃川圖贈鍊師張子故西苑方士也

我歌桃川圖舊識桃源客骨清髮短雙頰紅十年賣藥  
長安陌自言本是武陵人花落花開不記春姓名偶被  
先皇識選列仙官待紫宸紫宸宮閣天中起西苑繁華  
如夢裏銅盤百尺落秋空綺幕千門照流水祠壇隊隊  
羽衣羣鶴蓋霓裳擁聖君黃金白璧年年賜豹隨鸞膏  
夜夜焚當時等輩俱光采算袋緋衫揖上宰曾窺阿母  
降瑤臺更訪安期入東海海上重來鬢已秋鼎湖龍去  
水空流夾城輦路多青草別殿宮官半白頭承恩舊侶

知何處聞逐雲中雞犬去惟餘野跡走風塵卻憶桃花  
源裏住我聞此語涕沾膺世事從來不可憑君今莫說  
丹砂事松柏蕭蕭冷茂陵

本集

明陳繼儒

見卷十二

### 題桃源圖

數圍松栝抱山廬但種桃花不釣魚多少兒童今老大

讀書都是未焚書

白石樵真稟

明王節

字孟禮號墨莊甯波人官爵未詳

### 武陵桃源圖

桃花源志

卷三

藝文

三

退補齋藏板

仙境悠然隔世塵此中俱是避秦人衣冠不識君臣禮  
風俗惟知父子親兩岸落花飛片片半溪新水漲鄰鄰  
重來劉驥無消息更有何人解問津

甬上耆舊集

明朱積

字早服華亭人官爵未詳

### 題桃源圖

門外千巖飛雪洞中萬樹流霞處處山田雨足依依桑

柘日斜

綠楊渡頭艇子白雲影裏人家春風欲迷去路惆悵溪

邊落花

桃花源志畧



明謝承舉

字子象名名璿字文卿上元人入歲賦暮秋詩有紫塞風寒雁叫霜之句應試累十舉不第退耕國門之南自號野全子

### 桃源圖

武陵桃花先破春漁郎偶爾來問津山重水複得雲竇  
風馳浪駛臨溪濱何知卒然入異境人家遠近通芳鄰  
石田茅屋與世隔云是先世來避秦桑麻接地足衣食  
冠裳結伴無疎親我聞嬴氏亂天紀儒坑典焚兇不悛  
大張淫暴戕物類俯視四海皆愚民天生性良天亦恤  
故教善眾藏嶙峋仙邪人邪杳莫測歷世已久跡已陳

桃花源志

卷三十一

藝文

三

退補齋藏板

縱然有仙亦常事神仙原是人間人昌黎臨川各云遠  
地下不起黃道眞坡翁語破萬世惑千載淵明蘇爲申

歷代題畫詩類

明文

嘉字休承長洲人彭之弟官和州學正善丹青工吟咏爲當時所推重

### 桃源圖

偶然避世住青山不道移家便不還卻怪漁郎太多事

又傳圖畫到人間

歷代題畫詩類

明孫一元

字太初自稱秦人或傳爲安化王孫嘗棲太白山之巔又稱太白山人歷游西華南衡東岳南吳之間事蹟詳明史隱逸傳著有太白山人漫稿

桃源圖

溪上春風笑語溫  
溪頭春水漲新痕  
中原逐鹿人誰是

桃葉桃花自一村

本集

明朱彥昌

字里官  
爵未詳

題桃源圖

當時秦鹿走中原  
天下紛紛孰可論  
黔首已沾新雨露

白雲猶隔舊乾坤  
水流花謝長三月  
犬吠雞聲又一村

我昔荆湖詢往事  
茫茫煙浪幾黃昏

歷代題  
畫詩類

明許儀

字子韶自號鶴影子無錫人崇禎朝授中書  
舍人丁外艱歸服闋值鼎革遂棄家放浪山

桃花源志

卷三十一

藝文

三

退補齋  
藏板

水間工詩文著  
有鶴槎詩藁

前桃源圖

桃花源何有無烟雲  
驅作桃源圖此中之人盡老死  
桃花猶覆先民廬  
中有一人吟據梧  
脫巾漉酒霜鬚壁

有無弦琴不彈自鳴  
風疎疎案有詩書  
易象禮樂春秋

書庭有松竹梧桐楊柳  
數十株籬邊種秋菊  
擢莖引蔓

瘦榦扶此老朝則誦孔孟  
灌園洒掃無童奴  
夕則安神

閨房步庭除往往五六月  
中北窗下自謂羲皇以上聊

自娛偶然入蓮社  
弟子肩籃輿故人頗賞此老趣  
便亦

攜酒邀諸塗下車卽與飲酣然樂遽遽我入圖中來笑  
謂真吾徒爲述東晉亡悽愴淚沾襦人間更無乞食地  
棹舟入此桃源居居此一千三百七十載不知江河日  
下今何如我從六代下一一爲語諸此老重嗟吁呼兒  
顧中厨謂有生客來聊亦置一壺有酒自斟酌不復問  
其餘但道如君所言我不取我醉欲眠君且去

梁溪  
詩鈔

### 後桃源圖

桃源主人爾何人我知爾本羲皇民世間萬事不掛眼  
惟有一壺與爾親從來粉本桃源水縱得其貌遺其神

桃花源志

卷三

藝文

五

退補齋  
藏板

我能寫爾神贈影更寫門前五柳之長春風飄飄兮乍  
起烟澹澹兮初眠漁郎擢舟不知處桃花亂落流人間  
人間但見青山連安知主人居此千餘年千餘年中圖  
有幾惟有王維工畫留詩篇然而王維已署祿山之僞  
職便畫曾不值一錢其後趙承旨亦寫桃花源可憐芳  
草王孫夢不識冬青帝子魂魂之來兮花續紛魂之去  
兮波沄沄承旨揮毫不到此安能插筆天上更到首陽  
之巔嗚呼舍旃舍旃苟亦無然我今爲爾傳其真爾亦  
彭澤一令君不能折腰徒飲醇此中有真意匪獨愛邱

山況遇好山水久住甯復還黃冠草履何珊珊我之遇  
子豈等閒與子爲此圖從子終其身願隨杖履桃源裏  
不放桃花過遠津

同上

桃花源志

卷五

藝文

三

退補齋  
藏板

桃花源志卷二十二終

